



● EDITORIAL ● RÂL VÊNGTU ● CHHÛNGKAW CHANCHIN

✦ Vaivakâwnah Counselling Centre hawn a ni  
✦ Kohhran Hmeichhe Rorêl Inkhâwm  
✦ Welsh Choir Master-in Mizo Conductor-te Training a pe

RNI 68092/83 Regn. No. N.E. 1024

From

Synod Literature & Publication Board

Synod Office, Aizawl - 796 001,

Mizoram. Phone - 0389-2324590

# SYNOD *Newsletter*

Volume XXVIII

No. 365

E-mail : [synodnews@gmail.com](mailto:synodnews@gmail.com)

FEBRUARY, 2014

## TUNLAIA SAKAWLH HLAUTE THIL HLAUH HI

*Upa H. Zoliana*

*Secretary, Mizoram Synod*

‘*Sakawlh ka hlau lo*’ tih thupuaia hmangin Synod Officers’ Meeting chuan kum 2012 leh 2013-ah khân lehkhabu tê (Booklet) a tichhuak tawh a. Tute bumna emaw avânga Unique Identification (UID) lo insawi thaih leh lo hmu sakawlh pawlte pawh awm palh theih a ni a; chuvângin, zau zâwka mipui chhiar theih tûra a tlangpui han sawi chhuah thar leh hi thaa hriat a ni a. A thei chuan he thu lâk chhuahna, ‘*Sakawlh ka hlau lo*’ tih lehkhabu tê kha chhiar chhuah hrâm ni se a thaa ang e.

Sakawlh insawithaih hi thil thar a ni lo va, Kohhran Pate hun lai aţanga awm tawh a ni a. An sawi vul lai chuan arbâwm chhe kâng angin a alh hlui a, kâr lovah a rêm leh duk a. A rêm hlen dâwn emaw tih laiin lo alh thar a awm leh thîn a. Khawvêl changkâng zêlah sakawlha puh tûr a tamin a changkâng ve tial tial dâwn niin a lang. Hlahu nei thlathote hlahu dân hi mahni tapchhak zâwl aţanga savawm kawlh hlahu ang deuh a ni. Tûnlaia mi thenkhatin sakawlha an puh UID chungchâng hi hetiang hian han chhui bîk deuh ila-

Unique Identification (UID) leh chumiin a ken tel microchips, etc. te chu tûnlaia hian tuten emaw Thupuan Bu (Bible)-a sakawlh number 666 nê sawi zawmin sakawlh thar an chher chhuak leh ta a. UID hi India khua leh tuiten chhinchhiahna inang lo kan neih theihna tûra Planning Commission hnuai kum 2009-a dân a ni a. Unique Identification Authority of India (UIDAI) chuan India khua leh tui mite chu chhinchhiahna danglam bîk (Unique number) nei vek tûrin a beisei a, tihluhna erawh a nei lo. Tûn hma aiin khawvêl hi kan inkal pawh tawh a, dân lo anga ram danga lût ru an awm reng a; chûngte chuan passport lem te, Identity Card (ID) lemte siamin mi ramah an lût a, chhiatna a thlen phah fo thîn. Hêngte avâng hian khawi ramah pawh an khua leh tuite

chu chhinchhiahna danglam bîk, tuten emaw an tawmpui theih loh neithîr hi sawrkârin a duh a ni. He UID hi inthlanna atân te, ram dang mi dân lova lo lut vên nân te, firfiaka che thînte man chhuah zung zung nân te a tângkai hle dâwn a ni. USA-ah chuan mihring taksaa dah theih chi (verichips) an nei tawha sawi a ni a. An sumdâwnna bungrua leh an ran vulhah te pawh hetiang *chips* hi a thei chuan dah vek an duh niin an sawi. UID hi neih vek tûra thupêk a awm lo va. A duhten a dîlna tûr hmunah an dîl ang a, phalsak an nih chuan tih tûr tûl apiangte tih zawhah an pe chhuak mai zâwk dâwn a ni. Ram dang kal tum lo tân leh thiltih awlsam zâwk nâna hmang thiam lo tân chuan neih kher a tûl lo vang.

Khawvêl hian hun hnuhnûnga thil lo thleng tûr a dai cho mèk zêl a. Bible sawi angin tute emaw, Pathian ngaisak anna nei, a thiltihtheihna awih si lo, mite sawithaih ringawta ram tâng an pung tial tial a. Hêng hote hi anmahni duh thu rênga hetiang awm pawh an ni bîk lo va, thlarau sualin a pâwl a, an thusawi chuan pân chhia angin mi a ei a, an zêldin thu sawi chu tak tak emaw tia awih an awm thei mai zêl. Theih chu ni se thlante meuh pawh bum an duh ang tih ziak ang khân, Kohhran hruaitute pawh an luhkhung zêl tawh mai zawng a nih hi! Anmahni hi haw mai lovin i tawngtaisak mawlh mawlh zâwk ang u. Kan Bible thuchah pawimawh tak chu ‘HLAU SUH’ tih hi a ni e.

## KTP GENERAL CONFERENCE & DIAMOND JUBILEE LAWMNA A ROPUI DÂWN

Kum khat dana hman thîn, Mizorama thalai rual intawh khâwmna lian leh ropui ber, KTP General Conference chu February 27 - March 2, 2014 chhûng hian Zuchhîp Field, Khawzâwlah hman a ni dâwn a, Conference Thupui, “Tho la, êng rawh” tih chu CKTP hruaitute lo ni tawh mi pathum - Rev. H. Lalrinmawia, Leader (2004-’06) te, Rev. Lalzuihang, Leader (2006-’07) te, Upa C. Ngurthantluanga, Asst. Leader (200-’02)-ten an sawi ang a; a tawp zanah CKTP Leader tâng lai Rev. Lalrinmawian thuchah a sawi baw ang.

Kumin General Conference hi KTP Diamond Jubilee lawm nêna fâwmkêm a nih dâwn avângin kum dang aiin ni khatin tâng hma a ni dâwn a, Jubilee Zaipâwl Pui (Bial Zaipâwl zawng zawng infinin)-in hla vawi hnih an rem ang a, Feb. 28 (Zirtâwpni) chawhnuah Jubilee Zaikhâwm Pui buatsaih a ni baw ang. March 1 (Inrinni) chawhma lamah Variety Programme hman a ni ang a, chawhnuah Multiplex Programme hman a ni ang. Multiplex Programme (Thalaite tâna tângkai thupui pawimawh tak tak thlan chhuah zir hona) hi - Khawzâwl Vêngsâng Kohhran Biak In, Khawzâwl Vêngthar Kohhran Biak In, Electric Vêng Kohhran Biak In leh Zaingên YMA Hall-ah te hman a ni ang. Thiam bîk nei - mi mal leh pâwlte Fellowship-ah hun pek thîn an ni ang a, Branch leh Bial aţanga a thaa lâwr khâwmte an che ang a, mit leh beng a tlai hle dâwn niin thu kan dawng.

# SYNOD Newsletter

EDITORIAL STAFF

Rev. K. Lalpiangthara (LPT)

Rev. Thangzauva (TZ)

Upa H. Ronghaka (HR)

Upa Khawlungnunga (KCN)

## Editorial

### ZU KHAPNA DÂN HI..?

Zu khapna dân hlih duh zâwna tawng chhuak leh chanchinbu lama ziak peihapui pawh hriat tûr an awm ta nual mai. 'Zû hian tantu a ngah a, tan chhan tha erawh a nei lo' tia mi fingen an lo sawi thin hi kan ramah pawh hian a dik viau niin a lang. Zu khapna dân hlih duhtute hian zu chhe in avânga thite an tlêm phah sawt an beisei thute leh zu chhiah aţanga sum tam zâwk hui luh theih tûrte an mitthla thiam hlê thin a. Kan Bible-in, "Mi ngaiha kawng dik ni awm taka lang, a tawp chu thihna kawng ni si a awm," a tih thlen dik tirtu a nih a hlauhawm hlê mai.

Zu chhe in avânga thite thih chhan hi zu khapna dân vâng nge, dân kengkawhtuten dân an kenkawh zawh loh vâng? tih hi ngaihtuah tham tak a ni. Zu khapna dân hi rawngbawltute zîngah hnawk ti tak hriat tûr an vâng khawp nia! He dân hi hlih ni ta se kan khawlaite hi naupang lên chhuahtîr ngamna tûr chi a ni ang em? Kristian ram nih nêna a inhmeh ang em? Zu chhiah aţanga Lalpa zawn chhuah ram enkawl tum hi a fuh ang em? Zu chhe ina thi ai hian zu tha ina thi leh accident hi an tam mai ang em? A hlîptu sawrkâr hi Pathianin an lalthutthleng aţang hian a hnûk thla duh mai ang em? tihte hi i inzâwt ang u.

### HRIATTIRNA

**Kristian Tlângau leh Kristian Naupang Chanchinbu man kum 2013 lâkna la pe lote chuan Financial Year tawp, March, 2014 ral hma ngeia pe tûrin kan ingên tak meuh a ni e.**

**Editorial Board  
Kristian Tlângau**

## VAIVAKÂWN-AH COUNSELLING CENTRE HAWN A NI

Synod rawngbâwna pêng pawimawh tak, Family Guidance & Counselling Centre (FG&CC)- chuan Vaivakâwn Kohhran Biak In complex, Gospel Centenary Building chhâwng khatna, Kohhran Dâwr chungah February 3, 2014 (Thawhtanni) aţang khân Counselling Centre pathumna a hawng thar. He Counselling Centre hawn thar Pathian hnêna hlan inkhâwm hi February 3, 2014 chawhnu dâr 2:00-ah Vaivakâwn Kohhran Gospel Centenary Hall-ah hman a ni a. Senior Executive Secretary Rev. Lalzuithangan a kaihruai a, FG&CC Director Rev. Lalhmingthangan rawngbâwna chanchin tlângpui sawiin Synod Moderator Rev. K. Lalhmuchhuakan urhsûn taka tawngtâiin Pathian hnênah a hlân a ni.

Director report aţanga a lan dânin FG&CC Committee, SEC hnuaia Sub Committee, member 12 awmin he rawngbâwna hi a enkawl a, Synod Executive Secretary i/c FG&CC-in a ho va; Counselling Centre rawngbâwna bâkah hian Pastor leh Kohhran Upate Counselling Training an pe thin a, Seminar leh Campaign an kalpui reng bawk a, thawktu hi an vaiin pakua an ni. Counselling Centre hmasa ber, Main Centre, Mission Vênga mi chu January 21, 1997-ah hawn a ni a, May 2009-ah Chanmari-ah hawn a ni leh a, Vaivakâwna hawn leh bâkah hian kumin June thla khian Champhai-ah hawn leh tûra ruahman a ni. Main Centre, Mission Vêng-ah hian a din tirh aţangin pantu 7,573 an awm tawh a, Chanmari FG&CC pantu 1,244 an awm tawh bawk.

Hlanna inkhâwm kaihruitu Rev. Lalzuithanga chuan Vellore-a Counselling Training Course (thla hnih chhûng) a lo zir tawh aţanga

counselling pawimawhzia tichiang tûr, a thil tawn ngaihnawm tak tak a sawi a; a hlanna hun hmangtu, Synod Moderator Rev. K. Lalhmuchhuaka chuan, "Ram thang zêlah he rawngbâwna hi a tângkaiin a pawimawh tial tial a, nun phurrit phur, harsatna tâwk leh tanpui ngaiten hahchawlhna leh thlamuanna an lo hmuh theih nân he Centre hi pan manhla leh chhenfâkawm tak a ni ngei ang," tiin Pathian hnênah a hlân a ni. Vaivakâwn Bial Zaipawlin mawi takin hla an rem a, hlanna inkhâwm bânah thingpui ruai tuihnai tak kîl hovin Counselling Room fan zui a ni. Centre pantuten an nghahna room-a dah tûr TV thar Living Hope Ministry, Vaivakâwnin an pe a, Vaivakâwn Kohhranin room siamna leh mamawh hrang hrangte phûr takin an ngaihtuah vek bawk. Pathian hnêna hlanna inkhâwmah hian FG&CC-in a sâwm Synod mi pawimawhte leh Aizâwl West Presbytery chhûng aţanga sâwmte an kal tha hle (HR).

### TEB-in M. Th. leh BD (Hindi) zir tûr a la

January 24, 2014 khân Synod Theological Education Board chuan kum 2014-2015 Session-a Aizâwl Theological College-a M.Th. zir tûr mi 25 (Old Testament - 5; New Testament - 4; Christian Theology - 3; History of Christianity - 6; Missiology - 6 leh Religion - 1) leh Allahabad Theological Seminary-a B.D.(Hindi) zir tûr mi panga a la.

**Thawkrimtu chu a ei tlêm emaw, a ei tam emaw, a mut a tui thin.  
(Thuhriltu 5:12)**

### SCM Member-ten thisen an pe

Aizâwl Theological College-a zirlai pawl, Students' Christian Movement (SCM) chuan Republic Day, January 26, 2014 pualin a hma ni Januray 25, 2014 (Inrinni) khân thisen pêk rûnpui (Blood Donation Camp) an buatsaih a; Synod Hospital, Durtlânga damlo, mamawhte hman tûrin mipa 40 leh hmeichhia pakhatin thisen an pe. Synod Hospital-a thawktuten ATC-ah kal chilhin an thisen hi an la a ni. ATC-a SCM hian kum eng emaw chen kal ta aţang khân Republic Day apiangin thisen pêk rûnpui hi an lo huaihawt tawh thin a ni.



**RÂL VÊNGTU**

An khaw chhûnga ‘kei ka ni’ inti thei chin ho mi sawmthum dawn lai Râl Vêngtu kamchhuak ngaithla tûrin zîng ni chhuak sârah an kal khâwm a. Chibaite an han inbûk zawh chuan hmâ an sâwn theih dân tûrte an zâwt a.

Râl Vêngtu chuan, “Esopa thufing kha in chhiar ngai lo em ni? ‘Lo neitu pakhat chhûngkua hi an awm a. An fate chu an inngeih lo êm êm a. Pa ber chuan a fate inngeih lo chu a ning hlê mai a, thil zirtîr ngaia hriain a ko khâwm ta a. Thingtang a têt khâwm a, chu chu ulh tliak turin a hrih a. Tuman an ulh tliak thei lo va. A thingtang têt chu a phelh a, a mal tê têa ulh tliak tûrin a ti leh a; awlsam takin an ulh tliak ta zung zung a. A fate hnênah chuan, “In ãnruâl chuan tu man an ngam lo vang che u a, in ãnruâl loh chuan awlsam takin miin an rawn ngam mai ang che u,” a ti asin. Nangniho pawh hi in ãnruâl lohva, in inkher neuh neuh chuan eng ruai in ni lo vang a, in ãnruâl chuan tu man an ngam lo vang che u,” a ti a. Hlawhtling inti takin an ãn ta ham ham a.

**KOHRAN HMEICHHE RORÊL INKHÂWM**

Kohran Hmeichhe Inkhâwmpui Lian neih loh kum apianga hman ãin ‘Rorêl Inkhâwm’ chu March 7-9, 2014 chhûng khian Durtlang Kohran Biak Inah ngah a ni a, rorêl bâkah Pathian biak inkhâwmah thupui thlan, “Lalpa lam i hawi ang u,” tih sawi tûrin mi pathum ruat an ni.

Kristian chhûngkaw dinhmun tehnaa ti ãa hnênah Synod Secretary Upa H. Zolianan Trophy leh Certificate a hlân ang a, Synod Moderator Rev. K. Lalhmuchhuakan palai thlen kim zânah Thuchah a sawi ang. Rorêl Inkhâwmah hian Central Kohran Hmeichhe Committee member-te leh Bial tin ațanga Bial Kohran Hmeichhe aiawh pahnih zêl ruatten ro an rêl dawn a ni.

[www.mizoram synod.org](http://www.mizoram synod.org)

**SYNOD HOSPITAL, DURLÂNG  
DECEMBER, 2013 CHHUNGA THILPÊK DAWNTE**

**I. CHARITY FUND ATÂNA PÊK**

- A. Mi mal/chhûngkua thahnemngaite**
1. Pu Lalnunsânga, Durtlang Dâwrkâwn ₹ 500
  2. Pu B. Thangkhûma, Ramhlun Vênglai ₹ 10,000
  3. Pu K. Thanghnûna, Republic Vêngthlang ₹ 6,000
  4. Pu K.C. Kapthianga, Hospital Campus ₹ 4,000
  5. Sister Lalbeiseii, Synod Hospital ₹ 4,000
  6. Pu K.C. Thanga, Vânbâwng ₹ 1,000
  7. Pu Lalramliana, Ramhlun Vênglai ₹ 30,000
  8. Dr. H. Lalrinchhana, Durtlang Mêl 5 ₹ 5,000
  9. Pu Tâwnluia, Ex-Minister, Chawnpui ₹ 50,000
  10. Pu C. Dêngthuama, North Hlimen ₹ 10,000
  11. Sangmawipuii Fanai, SN, Synod Hosp. ₹ 2,000
  12. Pu H. Lalsiamliana, Durtlang Mêl 5 ₹ 3,600
  13. Pi Lungtiawii, P & Sons, Zârkawt ₹ 10,000
  14. Pu Lalnunsânga, Durtlang Dâwrkâwn ₹ 500
  15. VTR Computer Centre, Khatla ₹ 1,000
  16. Members - Aijal Club ₹ 20,000
  17. Samuel Khiangte, Tuikual North ₹ 5,000
  18. Pi Thansiami, Durtlang Kâwn Vêng ₹ 1,000
  19. Upa R.L. Thianga, Chawnpui ₹ 10,000
  20. Lalhmachhuana, Electric Vêng ₹ 1,000
  21. Lalramena, Durtlang Kâwn Vêng ₹ 2,000
  22. Synod Hospital Quarters naupangte ₹ 1,800
  23. Hming hriatloh ₹ 24,000
- B. Bial/Kohran, leh Pâwl etc ațangin**
1. Mizoram UPC, Durtlang Bial ₹ 5,500
  2. Bilkhawthlîr Hmâr Vêng Bial ₹ 5,000
  3. Ramthar Tlâng Vêng Kohran ₹ 10,000
  4. Zemabâwk North Kohran ₹ 10,000
  5. Chhînga Vêng East Kohran ₹ 3,970
  6. Dâm Vêng Kohran Pavalai Pâwl ₹ 3,000
  7. Luangmul West -do- ₹ 3,000
  8. Staff Welfare, PHE, Babutlang Section ₹ 7,500
  9. Mizoram Florist Association ₹ 20,000
  10. Aizâwl Municipal Council, Thuampui ₹ 20,000
- C. Kristian Thalai Pâwl ațangin**
1. Upa Seikûnga Group, Hmunhmêlthâ ₹ 1,200
  2. Hmunhmêlthâ Branch ₹ 2,000
  3. Keitum Bial ₹ 5,000
  7. Khawzâwl Dinthar Bial ₹ 2,000
  9. Tlângnuam Branch ₹ 5,000
  11. Dâwrpui Branch ₹ 5,000
  17. Dinthar Branch ₹ 6,000
  18. Himali Branch, Chanmari ₹ 5,930
- D. Kohran Hmeichhia ațangin**
1. Central Kohran Hmeichhia ₹ 2,48,000
  2. Chanmari -do- ₹ 10,000
  3. Tuikual -do- ₹ 10,000
  4. Dâwrpui Vêngthar-do- ₹ 10,000
  5. College Vêng -do- ₹ 5,000
  6. New Vervek -do- ₹ 3,000
  7. Khatla -do- ₹ 50,000
  8. Keifâng Police Vêng-do- ₹ 5,000
  9. Kanan Vêng -do- ₹ 10,000
  10. Bethlehem Vênglai-do- ₹ 10,000
  11. Ramthar Veng -do- ₹ 10,000
  12. Pi Hruaii Gr. Durtlang -do- ₹ 1,000
  13. Khawzâwl Dinthar Bial -do- ₹ 5,000

14. Misson Vêng -do- ₹ 30,000
15. Vênglhui Bial -do- ₹ 5,000
16. Hunthar -do- ₹ 5,000
17. Electric Vêng -do- ₹ 30,000
18. Durtlang North -do- ₹ 3,000

**II. GRACE HOME TÂN BÎKA DAWN**

- A. Kohran leh mi thahnemngaite ațanga dawn**
1. Zemabâwk East Kohran - ₹ 6,000
  2. Social Front Com., Bethlehem Vênglai - ₹ 10,000
  3. Zopuii Gas Agency Grace Home-a thawktu hlawh atân ₹ 2,000 (Kum khat chhûng an tum ang)
  4. St. Pauls HSS - ₹ 10,000 leh damlo mamawh chi hrang hrang
  5. Aizâwl Municipal Council, Thuampui - ₹ 20,000
  6. Members, Aijal Club - ₹ 20,000
  7. Project Director, MSACS - ₹ 10,070
  8. VBS-2013, Vaivakâwn Vêngthlang Kohran - Wall Clock
- B. Kohran Hmeichhia ațanga dawn**
1. Central Kohran Hmeichhia ₹ 20,000
  2. Ramhlun -do- ₹ 10,000
  3. Ramhlun Vênglai -do- ₹ 10,000
  4. Bethlehem Bial -do- ₹ 10,000
  5. Ramthar North -do- ₹ 5,000
  6. Chanmari -do- ₹ 5,000
  7. ITI Vêng -do- ₹ 6,000
  8. Bethlehem -do- ₹ 10,000
  9. Châltlang -do- ₹ 5,000
  10. Leitan -do- ₹ 5,000
  11. Laipuitlâng -do- ₹ 10,000
  12. Vênglhui -do- ₹ 5,000
  13. Nursery Vêng -do- ₹ 10,000
  14. Electric Vêng -do- ₹ 20,000
  15. Saron Vêng -do- ₹ 20,000
  16. Durtlang North -do- ₹ 3,000
  17. Sihphîr -do- ₹ 5,000
  18. Sâwleng -do- ₹ 6,000
  19. Bawngkâwn East -do- Thutthlengsei panga
  20. Pi Hruaii Gr. Durtlang -do- Buhfai bag khat leh artui plate hnih
  21. Pi Zaii Gr. Durtlang -do- Holy Bible pakhat leh artui plate hnih
  22. Estheri Gr. Châltlang -do- ₹ 6,000 damlote hnênah an sem
- C. Kristian Thalai Pâwl ațanga dawn**
1. Chawnpui Branch ₹ 4,500
  2. Tuikhuahtlâng Branch ₹ 10,000
  3. Tuikual Branch ₹ 5,000
  4. Dâwrpui Branch ₹ 5,000
  5. Sihhmui Branch ₹ 10,000
  6. Ramhlun Vêngchhak Branch ₹ 4,000

Khawngaihna leh duhsakna avânga kan Lalpa Isua Krista hminga thilpêk min petu zawng zawngte hnênah kan Lalpa Isua Krista hmingin lâwmthu kan sawi tak meuh meuh a ni e.

Sd/-  
REV. C. LALBIAHLUNA  
Chaplain, Synod Hospital.

**HRIATTIRNA**

Bûngzung Presbyterian Kohran chuan March 26-30, 2014 chhûng hian Kohran Centenary, ruai nêh ropui takin a lâwm dawn a. He hun hmanğ tûr hian Bûngzung khaw chhuak zawng zawng kan sâwm a che u. Sâwmna hran kan siam loh avângin hei hi sâwmnaa min lo ngaihsak tûrin kan ngên a che u.

Upa Lalngenchhana  
Secretary, Bûngzung Kohran



## PATHIAN THU ZIR DUH TAN

Presbyterian Bible School, Mission Vêng-ah Session 31-na atân Certificate in Theology (C.Th) Admission hawn a ni a. Dîl duhte tân a hnuaiâ târ lan hi hriat tûr a ni.

- ⓐ Admission Form : Office hun chhûngin Rs. 10/- a lei theih a ni
- ⓑ Form theh luh hun : April 30, 2014 (Nilaini) tlai dâr 3:00 thleng
- ⓒ Dîl thei chin : Class VII passed, kum 16 chin, Kohhran dân chhûnga awm
- ⓓ Interview : May 2, 2014 (Zirtâwpni) chawhma dâr 10:00
- ⓔ Class tan hun : May 6, 2014 (Thawhlehi)
- ⓕ Zir hun chhûng : May - August, 2014
- ⓖ Stipend : Zirlai pakhat hnênah thla tin Rs. 500/- pèk a ni ang. Hostel a awm lo. Hre Chiang duh tan Phone No. 8575308007/2317343/2350082-ah zawh theih a ni.

Sd/-REV. R. LALENGMAWIA  
Principal

### HRIATTIRNA

Synod Revival Kaihhruaina Dân Bu, Revised 2013 chu Synod Office Revival Deptt.-ah a la la lote tân Kohhran tin ta tûr copy khat zêlin Bial Secretary ten lam theih a ni e.

Sd/- Rev. R. Lalchangliana  
Director  
Synod Revival Department

### HRIATTIRNA

Synod School of Music hnuaiâh March - May, 2014 chhûng hian Tonic leh Staff Notation (Morning Class) zir kawp duhte tân seat dîl theih a ni a. A hnuaiâ târ lan te hi hriat ni se:-

1. Synod Office, Music Department aţanga Application Form la chhuakin February 24, 2014-ah seat chang tûrte hming târ chhuah a ni ang. Zir tûra thlante chuan February 26.2014 ral hma ngeiin admission tih fel tûr a ni ang.
2. March 3, 2014 (Thawhţanni) zîng dâr 6:30 aţangin class tan tûr a ni ang.
3. Dîlnaah mahni awmna Kohhran lehkha thil tel tûr a ni.
4. Hriat tûr tûl dang chu Application Form-ah târ lan a ni e.

Sd/- REV. P.C. PACHHUNGA  
Executive Secretary i/c Music

[www.mizoramynod.org](http://www.mizoramynod.org)

## WELSH CHOIR MASTER-IN MIZO CONDUCTOR-TE TRAINING A PE

January 6-9, 2014 chhûng khan Synod Conference Centre-ah Central KTP buatsaih Aizawl khawpui chhûng Bial Conductors' Training buatsaih a ni a. Training pe tûr hian Presbyterian Church of Wales (PCW) aţangin Choir master Eilir Owen Griffiths-a a lo kal. Training-ah hian conductor 21 an riak lut a, Pastor Bial Zaipawl 14-in he training hi an chhim bawk. Eilir-a hi Rev. Anuerin Owen (Zolâwma), Kristian Thalai Pawl din chhuaktu Rev. Owen W. Owen-a fapa-in a rawn hruai a ni.

Aizawl khawpui chhûng Bial Zaipawl Conductors' training hawwna hi January 6 zân khân Pi Zaii Hall, Synod Conference Centre-ah neih a ni a, CKTP Committee member Pu R. Lalhmingthangan a kaihrui a, Asst. Secretary Pu V.L. Muanchhanan inhmelhriattîrna hun a hmang a, Leader Rev. Lalrinmawian a hawng a ni. Synod Choir Director Pu Vanlalhrui Training sawi hawwna a neih hnuah Synod Choir an zai a, training neih zui nghâl a ni. Zîng dâr 6:30-ah tanin Conductor te training pèk thîn an ni a, he huna an zir hi zân lamah Bial Zaipawl te hmaah practical-a tih thîn a ni. Hêng bâkah hian Bial Zaipawl chhimitute hnênah kan Trainer hian Zaipawl tâna ţangkai tûr thil chi hrang hrang a zirtîr thîn. Conductor leh Bial Zaipawl lo kal ten an hlâwkpui hle. Bial Zaipawl Conductor-te hian riah chilhin training hi an nei a, tûkţuan eiin chhûn lamah an âwl thung a ni.

January 9 (Ningani) aţangin Synod Choir member-te an riak lût ve nghâl a, Zirtâwpni nilêngin Synod Choir te pual bîkin training hi buatsaih a ni. Zirtâwp zânah Synod Moderator hmingin zanriah buatsaih a ni a, Training khârna hun hman nghâl a ni a. CKTP Fin. Secy. Pu Zohmangaihan kaihruiin Asst. Secy. Pu V.L. Muanchhanan lâwmthu sawina hun a hmang a, Asst. Leader Upa Dr. Samuel Vanlalhlangan Welsh mikhuale hnênah thilpèk a hlân a ni. Synod Senior Executive Secretary Rev. Lalzuithangan Training kharna hun hmanpuiin, "Conductors Training kan neih theihna leh Welsh rama kan Synod Zaipawl te kal theihna tûr dap hi Rev. Anuerin Owen (Zolâwma) leh Rev. Dr.

H. Sangkhûma te duhsakna leh thahnemngaihna zâr a ni", a ti.

Mr. Eilir Owen Griffiths-a hi University of Wales-ah Music Lecturer a ni a, Llangollen International Musical Eisteddfod-ah Musical Director a ni bawk. A châm chhûng hian Bial Zaipawl conductor-te conducting training a pèk bâkah Synod Choir member-te training pein Welsh hlate a zirtîr a, Llangollen International Musical Eisteddfod-a an zai ve theihna tûr kawng a dapsak dâwn a ni. Rev. Anuerin Owen (Zolâwma) hian January 9 -10 khân Department of Psychology (Mizoram University), Mental Health Hospital & Medical Education Health & Family Welfare Department, Govt. of Mizoram leh MSACS te ţang ho buatsaih ni hnih awn International Workshop on Mental Health Problems (Special Focus on Substance Use Disorder), Aijal Club-ah thu sawiin a thu ziak a chhiar a, sawi ho nghal a ni bawk.

Rev. Zolâwma leh Pu Eilir Owen Griffiths-a te hian January 3 khân Aizawl an lo thleng a, January 4-ah Synod Office zîng inkhâwm hmanpuiin Synod Moderator leh hotu dangte an hmu a. An châm chhûngin Mission Vêng Kohhran, Mission Vêngthlang Kohhran, Durtlâng Kohhran, Khatla South Kohhran leh Chanmari West Kohhran te an tlawh. January 12 (Pathianni) chawhnuia Synod Choir te nêl Mission Vêngthlang Kohhran leh zânah Chanmari West Kohhran an tlawh tumin Eilir-a hian Synod Choir zai tûm khat ve ve a vai (conduct) a ni.

Thu lâkna: Upa Zonunmawia,  
Gen. Secretary, CKTP